

# L'ESSOR FASO KUMAKAN

SIBIRILON, AWIRILI KALO TILE 27, SAN 1985

## Peresidan ka nyògònye

"UDPM" sekeretèri zenerali ni Mali jamana fangaso kuntigi, Peresidan Musa TARAWELE ye Shinuwa jamana kènèyakow minisiri bisimila, ntènèn, san 1985 Awirili kalo tile 15 don.

A nyògònye sen fè, u da sera jamana fila cèkow ma, sira bée kan, sanko kènèyako sira, min demèko barika ka bon ko-

sèbè, Shinuwa jamana fè. U fila bée y'a kamu, dó ka fara nyògòndèmè walew kan, cogo bée la, woroduguyanfan jamana cè, ninmu ka kan, ka bèn ko la, setigi jamana wèrèfè.

Nyògònye in kera Mohamèdi Aluseyi-ni TURE nyèna, n'o ye jamana fangaso sekeretèri zenerali ye ani porofesèri Mamadu DANBELE, n'o

ye kènèyakow ni hadamadenyakow minisiri ye. Ani o yèrè ye Mali dógòtòróso caman lajè, Sikaso, segu, Marakala ani Bamakò kónò, a ka dógòkun kelen taama sen fè.

Jamana fila kènèyakow minisiriw n'u nòkanmògòw bèna nyògòndèmè ani nyògònsirataama wale caman kan, minnu b'u ka teriya barika, ka t'a fè.

## piyoniyeko basigili san 25 ye nyinan ye

Piyoniyeya daminèli Mali kónò, o san 25 de ye, nyinan san 1985 Awirili kalo tile 21 don ye, min sanyèlèma gintan bè kè, san o san, jamana fan bée kónò, lakólisow, wali, funankèninw ka jèkulutón, "UNJM" hukumu kónò.

Kóro min bè piyoniyeya la, o ye demisènw kamalili n'u ladamuli ye, faso baara ani faso kamu sira kan, minnu bè

len de ma, cè fara muso kan, minnu wòlosi b'a ta san 7 na, fo ka se san 20 hakè la, n'u bè fara nyògòn kan, k'a walew kalan, bolola-baara suguya caman kèrèfè, i n'a fò nyègènkè, sèbènfura wali bagiw kan; jirimafèndilanw, furakèliw n'u nyògònnaw ani sòròda baara misèn caman, minnu bè tali kè nakòkow, sè-nèkow, bagankow ni Shèmaraw kan.

## Zenerali Amadu Baba JARA ka nyògònye

Alamisa, san 1985 Awirili kalo tile 18 don, "UDPM" sekere-tèri zenerali dan-kan ni fangaso minisiri nyèsinnen fè-rèkow ma, zenerali Amadu Baba JARA, ye Afiriki denmisènw ka jamakulutón, "MPJ" sekeretèri zenerali kura bisimila, Peresidan Musa TARAWELE tògò la.

"MPJ" sekeretèri zenerali kura min tògò ye Amadun ISABERE, o ye Mali jamana woloden de ye,

min sigili ye bée lajèlen nisòndiya.

A nyògònye kumaw kera Amadu Dawuda JALO nyèna, n'o ye Mali denmisènw ka jamakulutón "UNJM" sekeretèri zenerali ye ani Nyónbi SISO-ko, n'o ye zenerali Baba JARA ka minisirisò kuntigi ye.

Nyògònye in kuncèlen kò, Amadun ISABERE y'a nakun fò, k'o bila Afiriki denmisènw ka jèkulu haminankow mininèn kónò, kabini a sigi tuma, san

1962 la, fo kana se sisan ma. A y'olu dantigè, k'a jira ko ladamuli walew ni nyènajèkow kèrèfè, Afiriki denmisènw cèsirilen bè jamanaw bóliko ma, jónya ni dèsekow la, minnu juguyara, jako waati in na.

O siratigè la, a y'a jira ko "MPJ" bèna demèko wale dó kè Mali kónò, "UNESCO" ka hukumu kónò, min nyèsinnen bè ja n'a masibaw kèlèli ma.



tali kè yèrèdèmè ni yèrèdon walew kan.

Mali kelenyatónba "UDPM" ani gofèrèna-ma ni jamakulutónw, sanko "UNFM" ni "UNJM" olu ye piyoniyeya jòyòrò girinya fò, k'a gèlèya, bawo, a labèn baaraw ka kènè; u bè denmisènw bila sira jèlenw de kan; k'u tanga yèrètinyèkow ma, i ko tewuli, sungurutigè, dóròguta, sobon, sonyali, kalanbaliya, bangèbaga dógòya, danfènw tónyòli sanko baganw ni jiriw ani yèrèbonya gansan.

A walew sigira bolu min kan, Mali kónò, o b'a jira, k'a kow nyèsinnen bè denmisènw bée lajè-

Piyoniyeya ye denmisèn degeli de y'a yèrè n'a faso demèli la, walasa, a ka se ka mago nyè, a ka denbaga, a ka dugu, a ka jamana ni jamana wèrèw ye, kelenya sira kan.

O de kòsòn, jamadenw n'u nyèmògòw b'a walew sankòròta, bawo, bée b'a dònko" bi denmisèn de ye sinin mògòkòròba ye".

Sinin mògòkòròbaw ladamuliko nyuman hami kòsòn, jamana fangaso kuntigi, zenerali Musa TARAWELE, n'ale y'u ka denfanyuman ye, o yèrè m'a kow latèmècogo nyuman ni foyi jè, ni jamana kanu dóròn tè.


## "FAO" bèna Mali demè sènèkèjiko la

Alamisa, san 1985 Awirili kalo tile 18 don, bolonò bilala sèbèn na, k'a jira ko baloko jèkululu min sigira "ONU" hukumu kónò, n'a bè wele "FAO", k'o bèna Mali demè, sènèkèjiko nògòyali siratigè la.

Demè in nafolo kasabi ye CFA miliyòn 80 ye. A laseli Mali ma, o sababu ye ja kèlèli de ye, sènè-

kèjiko hukumu kónò, i ko kòlònsènw ni banalidilanw n'u nyògònnaw, minnu ye ji lasefèerèw ye sènèkènw kónò.

Bolonò bilala "FAO" ka demèsèbèn in na, Maki KOREYISI TALI fè, Mali tògò la, n'ale ye kòkan jèkawalekow nyènbòbaga ye ani MUKONDI, n'o ye jèkulu in ka lasigiden ye Mali kónò.



Afiriki denmisènw ka jamakulutón, "MPJ" sekeretèri zenerali.

# Shinuwa jamana bèna Mali dèmè sira caman kan



Tarata, san 1985 Awirili kalo tile 16 don, bolonó bilala bènkansèbèn dó la, min b'a jira ko Shinuwa jamana bèna Mali dèmè sira caman kan, i ko iziniko, sènèko, kènèyako ni arajosoko.

Dèmè in nafolo kasabi bè bèn CFA miliyari 2 ni miliyón 300 hake de ma, min bèna tila tila baarada kofólen ninmu ni nyógón cè, n'olu

ye farako tedilanyóró ye Sikaso; Mali bagilanyóró segu; Mali sukarodilanyóró Dugabugu ni seribala; Mali furadilanyóró, Bamakó ani Mali Arajoso nègèjuru-kow ni yóró caman wèrèw, Shinuwa jamana ka dèmè sera minnu ma, kabini yèrèta tuma.

Bolonó bilala sèbèn in na, Shinuwa jamana lasigidensokow nyènabóbaga fè,

n'o ye LIU RUNLI ye ani Mali kòkankow minisiri, n'o ye Aliyuni Bilòndèn BEYE ye.

Dèmè fèn o fèn kèra Shinuwa jamana fè, Mali kónó, olu bèe lajèlen foliko nyuman kèra, an ka minisiri fè, min ye pariti ani goferèna ma ni Malidenw ka barikada kè, k'a kamú dó ka fara nin kelenya wale n'a nyógónnaw kan.

## Afiriki

# dògòtòròkalansow nyèmògòw ka Bamakò kunbèn

Ntènèn, san 1985 Awirili kalo tile 22 don, Mali kalankow minisiri, zenerali Seku LI ye Afiriki dògòtòròkalansow nyèmògòw ka lajèba 6 nan ani dògòtòròkaramògòw ka labènkalan baaraw dayèlè, minnu kuncèra dògòkun kelen hake kónó.

Lajè fila in dayèlèli walew kèra Mali kènèyakow ni hadamadenyakow minisiri nyèna, n'o ye profesèri Mamadu DANBELE ye an'a kow nyèmògò caman wèrèw.

A jirala ko Afiriki dògòtòròkalansow nyèmògòw ka jèkulu sigira sen kan, san 1979 kónó, walasa ka jèkawale sinsi dògòtòròw ani karamògòw ni kalandenw ni nyi-

ninikèlaw cè, u ka baaraw latèmècogo n'u lawèrècogo nyuman sira kan.

Kuma fèn o fèn fóra zenerali Seku LI fè ani jèkulu in kuntigi, n'o ye Iba Mari JOPU ye, n'o ye Dakaro dògòtòròkalansow nyèmògò ye, Senegali kónó, olu bèe lajèlen ye nyógónsirataama ni nyógónfaamuya de jira, u ka baaraw la, bèe bè min kologirinya don.

Dògòtòròw ka kunbèn in labènko fóló de ye nin ye Mali kónó, min diyara jamana nyèmògòw ye kosèbè, bawo, a bè Mali jòyóro girinya jira, kènèyakalankow kènè kan Afiriki ani dinyè yóro wèrèw dògòtòròw la.

# jiw ni kungow jòyòrò hadamadenya la

San o san, Mali baarakèla minnu nyèsinnen bè jikow ni kungokow ma, olu b'u ka sanyèlèma lajèba tónsigi kè, min kènè kan, a baarakèla nyènyèmogow bèe bè nyógón kunbèn, Bamakó, k'u haminankow dajira nyógón na, ka fèerèw tigè, minnu b'u ka walew kóróta, ka jiw ni kungo jòyóro barika fèsèfèsè, hadamadenya latèmècogo nógóyali la.



O siratigè la, nyinan, san 1985 kunbèn, min daminera Awirili kalo tile 29 fó k'a kuncè Mè kalo tile fóló don, o wale fanba nyèsinna "UDPM" laadala kóngèrè 2 nan bè kanw sabatili de ma, dantafènkow matarafali sira kan, i ko hadamadenw, baganw, jiw ani kungow.

Hadamadenw lafiyaliko finyè duman ani nèema kónó, o ko fóra, ka jirituruko gèlèya, bawo, a dòn-nen don, ko sanji ani nèema sòróli bè jiri caman turu de bolo. Jamanaw bè nyógón nyè sanjiko ni nèemako la, u ka jiri tarulenw hake de la. Olu bóli, u sira fè, jako waati in na, o ye wale ye, min nyinina fasodenw bèe fè.

Sanji caman sòróko ni nèema duman sòróko hukumu kónó, jiritigè ni tasumadon kónna cogo bèe la, ka tobilidibiko ba-

sigili fó, k'a gèlèya, a nafabalo caman kósón.

Baganw ani kungosogow ni jilafènw, sanko jègèw, ani kónów ni dantafènw suguya bèe lajèlen, olu silatununi kun tè dówèrè ye sanjiko gèlèya kò. O de kósón, fèerè minnu bè sanjiko la a nyinina mògòw fè, bèe k'olu jutigè, hiinè yèrè kósón, dantafènw na.

Bèe y'a don ko niimafèn bèe lajèlen taalan ye ji ye, sanko ji samunan, min bàna bila bagan na, sanko hadamaden. Ja juguyali n'a gèlèyali n'a ka tinyali barika bonyali sabbu ye jidèsè de ye. Sòrócogo wèrè tè ji la, ka tèmè baw, kòw, dalaw, kanaliw, ani kólónw kan, minnu bèe kelen kelen lafalan fóló ye sanji yèrè ye.

Ni ji bolisira tè yóro minnu na, olu ka fèerè bè nyini kólónko fan fè, pón-

pe bè se ka don min na, n'a se b'u ye, wali k'a kè kólón dafalen ye, min kóróralen don k'a tanga nógò ma, ni bèe b'i janto a la.

Kungow ye hadamadenw nafalan fóló de ye. U man kan ni latinyèli ani lanógóli ye. Kungo ye jiri ni sanji ye; kungo ye nèema ye; kungo ye jiriden ani binkènè ni furakènè ye; kungo ye kungosogo ye; farafinfura bóyóro ye kungo ye; sènèdugukolo duman ye kungo ye, hali kènèya ni lafiya ye kungo ye.

Nin bèe de kósón jiw ni kungow baarakèlaw ka nyógónkunbèn nafa ka bon kosèbè, bawo, olu ka baara nyèsinnen bè hamadadenya yèrè lakanali ma. Nka, u ka baara tè nya, a tè sira sòró, a tè jii-di, ni bèe lajèlen m'a kow k'u kunkòróko ye, sanko kungo kónó mògòw, minnu

sigilen bè gèlèya cèma, ni se wèrè ani dabali wèrè t'u ye, baara dòn-nen kórów kò, n'olu ye sènè, baganmara, mónni ani bololabaara misèninw ye.

A kèra cogo o cogo, nyèmògòw jigi dalen bè dugutónko basigili fana kan, ka jiw ni kungow matarafali b'a sira fè, ka tinalikèlaw nyangi, walasa jamana bèe k'i sago sòró.

